



Headline	KLHC masih mampu pertahan kejuaraan		
MediaTitle	Utusan Online(www.utusan.com.my)		
Date	29 Mar 2013	Color	Full Color
Section	NEWS	Circulation	300
Page No	16	Readership	8
Language	Malay	ArticleSize	0 cm²
Journalist	N/A	AdValue	RM 500
Frequency	Daily	PR Value	RM 1,500

KLHC masih mampu pertahan kejuaraan

[Link: http://c.moreover.com/click/here.pl?z8476057495&z=1600249527](http://c.moreover.com/click/here.pl?z8476057495&z=1600249527)

KUALA LUMPUR - Penyerang sensasi Kelab Hoki Kuala Lumpur (KLHC) Chua Boon Huat yakin pasukannya masih berada di landasan bagi mempertahankan kejuaraan Liga Hoki Malaysia (TNB-MHL) 2013 meskipun kehilangan ramai pemain utama kelab itu musim ini. Pada musim ini seramai enam pemain kebangsaan tidak lagi bersama KLHC untuk saingan kali ini mereka ialah Mohd. Shahrin Nabil, Tengku Ahmad Tajuddin, Azlan Misron, Ismail Abu, Mohd. Ameerullah Aziz dan Fitri Saari yang kesemuanya menyertai Terengganu HT. "Ketiadaan pemain-pemain tersebut membuatkan kami berazam untuk melakukan yang lebih baik pada musim ini tambahan pula keputusan pihak pengurusan mengambil enam pemain import tepat pada masanya. "Kesemua pemain import tersebut amat berpengalaman selain serasi dengan sistem pasukan ini dan saya gembira bersama mereka," kata Boon Huat. Salah seorang daripada enam pemain import KLHC itu adalah kapten skuad kebangsaan Pakistan, Muhammad Imran yang telah menjaringkan lima gol pada Piala Sultan Azlan Shah minggu lalu. Pada saingan pembukaan liga Jumaat lepas KLHC telah memperoleh kemenangan 5-0 menentang Universiti Kuala Lumpur (UniKL) dan seri 3-3 ke atas Tenaga Nasional Berhad (TNB) pada Ahad lalu. Minggu ini KLHC dijadual menentang pasukan di tangga teratas liga Maybank pada esok sebelum melayan kunjungan Nur Insafi Warriors pada Ahad ini di Stadium Hoki Nasional Bukit Jalil.